

Landesbibliothek Oldenburg

Digitalisierung von Drucken

**Bibliotheca Smithiana, Seu Catalogus Librorum D. Josephi
Smithii Angli Per Cognomina Authorum Dispositus**

Pasquali, Giovanni Battista

Venetiis, 1755

Ante Vitam Fabii Maximi

urn:nbn:de:gbv:45:1-844

tere, ut Te obsecremus frustra; Te enim spectamus, Te intuemur, in Te omnes spes nostræ & cogitationes collocatæ sunt. Si Tu Parens deferis filios, ubi alium imploremus? Si Tu despicias, quis sublevabit alius? Noli tuis Civibus, quod etiam alienissimis præstare solitus es, tuum officium denegare. Cura, ut si Te in bello formidarunt hostes, nunc in pace Cives tui atque amici diligant. Patere, ut ii nunc singuli humanitatis & beneficentiæ tuæ periculum faciant, qui olim universi in reprimendis seditiosis auctoritatis, prudentiæque fecerunt. Vales enim consilio, vales gratia, auctoritate vales; modo voluntas adsit, omnia conficere potes. Denique illud Periclis hujus, quod lecturus es, semper tibi in ore atque adeo in mente versetur: qui cum graviter ægrotaret, jamque esset ad moriendum vicinus, collaudantibus vicinis res suas bellicas, admirari se dixit: cur cum tantopere laudassent ea, quorum particeps fortuna esset, & aliis quoque du-cibus contigissent; quæ in pace clementer mansueteque gessisset, silentio præterirent? Quare hunc talem virum ut reliquis in rebus, ita & hac potissimum imitari velis; ne qua tibi ex ejus virtutibus defuisse videatur. Sed jam Plutarchum ipsum ejus mores narrantem audiamus; quem oro, ut libenter legas, & quod pluribus verbis fortasse contendo quam necesse est, me diligas, & apud Summum Pontificem tua commendatione quam gratiosum facias. Vale.

ANTE VITAM FABII MAXIMI

Vertente [1] Antonio Tudertino.

TRaditum est a gravibus, sapientibusque viris in conferendis muneribus non modo dantis accipientisque dignitatem, verum etiam rei qualitatem esse servandam atque metiendam; nam si aut gladium mulieri, aut speculum viro elargiretur, aut enssem Philosopho, vel multum indocto librum, penitus inepti atque stulti videremur. Essent enim hujusmodi munera ab ingeniis studiisque hominum peregrina atque aliena, & nulla animi jucunditate, nullo emolumento accipientes afficerentur. Quare ineptissimum pene dicerem Apollinem vatem Delphicum, qui aureum Trypodem Socrati dandum judicavit, cum Socrates aurum & argentum, ut ferunt, non amaret. Hinc est, quod prudentissimus ille Ulixes cum ingenium atque studia Achillis percepisset, & vellet illum sub pannis muliebribus celatum dignoscere, arcus & gladios Licomedis natis, inter quos Achilles ignotus aderat, præposuit. Ego itaque cum novissem jamdudum vehementer Te, & religionem, & sapientiam, sine qua mœstam lugubremque vitam degimus, colere, atque studio & suavitate legendi captum esse; institui vitam Fabii Maximi viri clarissimi & in primis prudentissimi, quam nuper latinam fe-

tt 2 ci,

[1] Antonius Paccinus patria & agnomine Tudertinus, auditor fuit Francisci Philosphi, qui lib. xxxiv. Epp. pag. 238. hujusmodi de discipulo suo judicium protulit: Antonius Tudertinus, qui est Auditor fuit meus, tamen Lapa longe inferior. Vide Ap. Zen. Vols. T. 1. pag. 212. Cortesius vero, etsi plerumque severus judex rigidusque cen-

for: Antonius Tudertinus, ait, non tam scribendo probabilis fuit, quam litteris Grecis evadit. De Hom. Doct. pag. 31. Ceterum monet Philosphus loc. cit. nonnullas Plutarchi Vitarum versiones perperam adscribi Tudertino, quum vera Lapam Florentinum agnoscant interpretem.

